

# مکرمات و اخبار

ادبی و سیاسی رساله اسبوعیه در

۳۱ نجی سنه

۲۶ رجب ۱۳۳۰

پنجشنبه

جلد: ۱۵ - جزو: ۱۵۴

## بارباروس خیرالدین

قوة بحرية عثمانیه نك دورۀ جلادت وعظمتندن بر نمونه

( مابعد عن جزؤ ۱۵۳ )

عربلر بو مجادلانده على الاكثر خيرالدين و توابعى ايله متفق اوله رق  
اجراى فعاليتده بولنديلر . فقط خرسيتيانلر شهره آرقه لرني چور دكارى  
زمان احوال و مناسبات بك چاپوق تبدل ايتمكده ايدى . شمالى آفريقا  
ساحلنده ساكن رؤساي قبائل ( پرنسلر ) قورصانلر ك تزايد قدرت  
وشوكتلرينه بالطبع احوالنه نكه انداز اولمقده بولندقلرندن خيرالدين، دفعات  
ايله كتيبة اصرايه قارشى مدافعه يه مجبور اولمشدر . خيرالدين آنلره قارشى  
دخى مقاومت كوستره بيلكده ايدى ، چونكه توابعى نكتر ايتمش اولمقده  
برابر ، سواحل تركيه دن بشقه بشنجى ( قارل ) ك طاقفرسا اولان ظلمى نتيجه سى  
اوله رق ، اسپانياده بولان اسلاملردن دخى آقبن آقبن هجرت ايدن قوتلر  
التحاق ايتمكده ايدى . فقط اوراده كى اقامتى موقت اولدى ، و بر دفعه كنديسنى  
حاكم اولدني جزاير شهرى ، عليه عصيان ايلدى . قورصان خيرالدين ،  
عائله سى ايله خزاننى خفيا كى به نقل ايله فراره مجبور قالدى . قره دمكى  
فعاليتى بو وجهله تحديد و تهديد ايديلنجيه دهسا بيوك بر غيرت ايله دگزرده  
ابراز فعاليت به باشلادى . يگى قرارگاهى اولان ( بيژه لى ) ده كندى بلانلرينه  
كوره ( ۲۷ ) چفته كوركلى بك سريع الحركه بر غاله ر ( چكدير مه ) انشا

ایستدیدی، که بو کندی دونناسنک آمیرال کمیی اولدی . آندن صکره  
اون درت ترك قورصان قبودانلرینه بردعوتنامه کوندردك آنلرله برابر  
« سواحل کفاره » قارشى بر جولان غارتکارانه اجرا ایلدیلر .

بولدقلری بالجله شهر و قصبه لره هجوم ایدردك جمله سنی یغما ایستدیلر .  
کمیار پك چوق اموال غنایم و متعدد اسرا ایله محمول اولدیغی حالده قیشلامق  
ایچون ( ییژملی ) به عودت ایلدیلر .

بو جولان غارتکارانه بر موقتیت مضاعفه ایدی . اؤلا طوغریدن  
طوغری به دهشتلی صورتده ثروت و اسرانک تزییدی ، که هر ایکسی ده  
قورصان دونناسنک جسامت پیدا ایتمسینه خادم اولدی . ثانیاً ( خیرالدین ) اڭ  
شهرتی تکمیل بحر سفیدی استیلا ایلدی و بعض جزایر لبردهده بویله  
بر آدمی سورک خارجه دفع ایلدکلرندن طولانی تأسف و تأثرلر حاصل  
اولدی . قورصان خیرالدینک اقامتگاهنه نقل ایلدیکی خزان سامانک آرتق  
جزایره گلامسی و بونک نتیجه سی اوله رق اڭ کوچك بر حصه نك جیب اهاالی به  
داخل اولماسی تأثرات ایچون اسباب کافیه تشکیل ایتمکده ایدی . بوندن -  
بشقه کندیسینه ایدیلان فناقدن طولانی انقام مقصده یله عودت ایتمی  
خوف و ملاحظه سی ده بوگا منضم اولمقده ایدی . آنکله برابر اموال کفاری  
استهلاک ایتمک یرینه کندی ماللری نه ضایع ایتمکک مجبور اولمق و احتمالک  
تقود و اموال دن ده ازیاده ضایعاته اوغرامق اندیشه لری باش کوسترمش ایدی .  
حقیقتده ده بو وجهله واقع اولدی . خیرالدین جزایری ترك ایلدیکی  
زمان ، اوچ سنه صکره ینه عودت ایدمکک سببیه مش ایش . فی الحقیقه  
اوچ سنه هنوز تماماً کذران اولمده دن اؤل ترکلر ایله اسپانیا اهاالی مسلمه سندن ،  
والده ایدیلان آفریقارلی عربلرندن متشکل براردو شهرک اوڭنه مواصلت  
ایلدی . بو صورتله اثبات وجودک اجرا ایتمکک تأثیرات اق قدر بیوک  
ایدی، که در حال بر چوق شیخ کندیسینه تابع اولدی . جزایرک یرلی پرئسی

اولان ( ابن قاضی ) ترکره تقدیم هدایا سایه‌سندہ حال مسالمت و استلافہ بولنقدن بشقہ برامیدہ مالک دکل ایدی . خیرالدینک ایسہ بوکا موافقت کوسترمیہ جکی - قبل الوقوع نخمین ایدیلہ بیله جکی وجہلہ - آشکار ایدی . ابن قاضی میدان محاربه سی اجراسنہ مجبور اولدیغندن اردوسی پریشان ایدیلہ رک کنیدیسی دخی او ائنادہ هلاک اولدی .

بو وجہلہ جزایر ینہ خیرالدینک انہ کچہ رک بوندن بویله قرارکہ عمومیسنی تشکیل ایلدی . آنک ایچون تسویہ ایدیلہ جک دها بر کوچک ایش وار ایدی . شہردن بر اوق منزلی مسافده اسپانیالیلرک اندہ کوچک بر آطہ قالمش ایدی . خیرالدین جزایری استرداد ایلدیکی زمان بو آطہ یہدہ هجوم ایلدی . و اسپانیا استحکاملرنی تراش ایدہ رک آطہ جفی بر بند ایلہ قرمیہ ربط ایستدیردی، کہ بوسایہدہ غایت اینی بر لیمان وجودہ گلدی . و عین زماندہ آطہ یہ تصرفنی تأمین ایلدی . قلعه یی تخلیص ایتمک ایستہ بان طقوز قطعہ اسپانیا یلکن سفینہ سی پک کچ گلدکلرندن ، خیرالدینک سریع السیر ( غالہر ) لری قیصہ بر مجادلہ دن صکرہ آنلری دہ ضبط ایلدی .

یونک اوزرینہ بشنجی قارل ( ۱۵۳۰ ) تدایر جبریہ مجبور اولدی . جنوہ لی ( جنوز ) آمیرال ( آندره دورییا ) نک قوماندہ سی آلتندہ تجهیز ایستدیردیکی دونما قورصانلرہ قارشی بادبانکشای حرکت اولدی . مع مافیہ ( قارل ) ک قوہ عسکریہ سی بسبتون بر ایشہ یارامدقلرنی اثبات ایلدیلر . خیرالدینک توابعی ایلہ اسپانیا اسلاملری طرفندن مدافعہ ایدیلان شرشل شاتوسنی ضبط ایتمک خرسیتانلر ایچون قابل اولمادی . بوشہرہ قارشی اولان تشبثات واقعه لرندہ قورصان دونماسنک کورینمی اوزرینہ فرارہ مجبور اولدیلر . فقط آندره دوریایہ مخصوص مهمات حربیہ ، افراد و ارزاق ایلہ مملو اولان ابکی نقلیہ سفینہ سی تصادفاً کندی موعده تلاقیسی اولان نقطہ نک یقینہ گلدکلرندن ، خیرالدینک ید ضبطنہ دوشدی . بوسقوط خرسیتانلر ایچون

يك اضطراب فزا ایدی ، چونكه كیلرده بر چوق اسپانیا و ایتالیا معتبرانی  
بولندینی کجی شوالیه رئیسك اقرباسندن بری دخی بولمقده ایدی . بوصوك  
ذات ایچون (۲۰۰۰۰) آلتون فدیة نجات تکلیف ایندیلر سده ینہ علما تسلیمہ  
موافقت کوسترمدی . اسرا میاندمکی معتبرانك طالعی بو وجهله تخیم  
ایدلی . بولردن (۱۲۱) کشی اعدام ایدلی ؛ و آحاد ناس قسمی ایسه  
( غلہ ) لر ده کورمکجی اوله رق استخدام و یا اسرا بازارینه اعزام ایدلی .  
ایمدی ( آندره دوربیا ) هر نه قدر خیرالدینه قارشی تشبثانده بولمقندن  
فراغه مجبور اولدیسده قورصان خیرالدین ایچون کندی قوه موجوده سی  
ایله شمالی آفریقا سواحلی کاملاً ضبط ایتمک . قابل اولیه جنی ده تحقق  
و تظاهر ایدلی . بو خصوص ایچون وسائط و افراد نقطه نظرندن انده کیندن  
زیاده بر قوته احتیاج مس ایتمکده ایدی . جزایره هجرت ایتدیردیکی یتمش  
بیك اسپانیالی مسلم دخی کافی دکل دی ، بوندن طولایی اولمیدر ، که کندی  
پلانك موقع فعله وضع اوله یلسی ایچون پادشاه اعظمی قازانق فکرینه  
دوشدی .

سلطان سلیمان ۱۵۳۲ سنه سی غریبه طوغری اولان ایکنجی جولانندن  
عودت ایتمش ایدی . واقعا بشجی قارلی مغلوب ایدمه ماش ایدی ، فقط  
حرب هر حالده موفقیت و غنیمت نقطه نظرندن يك زنکین ایدی . ترکلرک  
( ۳۰,۰۰۰ ) اسیر ایله شرقه عودت ایتدکلری قید و روایت ایدلمکده در .  
دکتر اوزرنده احوال بشقه ایدی . ( آندره دوربیا ) قرونه و پاتراسی ضبط  
ایتمش و حتی دونماسی ایله استانبولی تهدید ایلش اولدینی حالده سلطان  
سلیمانك آمیرالری اولان احمد و لطفی پاشالرک آنک ایله بوی اولچمه جکلری  
تظاهر ایتمش ایدی . خیرالدینك نام و شهرتی بالطبع تکمیل عالم اسلاجه  
معلوم ایدی . بو جسور و فعال و موفقیتکار دکرجی بی عثمانلی دونماسنك

باشنه تعیین ایتمک فکرینک هر نه قدر والدی دگلسه بيله اڭ قوی مرقوجی سلطان سلیمانک وزیر اعظمی ابراهیم باشا ایدی .

۱۵۳۳ سنه سی خیرالدین، صدر اعظمک تکلیف واقعه امتثالاً استانبوله عزیمت ایلدی . اڭ صادق آرقداشلرندن بریخی جزایرده قائم مقام براقهرق کوچک بردونما ایله دگزه آچیلدی . خیرالدین کبی برذاتک دگزهی یالگنز جاده اولهرق استعمال ایتمه چکی بک گوزل تصور اولنه بیلیر . ساردونیا ، جنوه ، سچیلیا اوزرندن شرع کشای حرکت اولمش و آتش فشان ممالک ساحلیه ایله انقراض سفان تعقیب ایده چکی طریق ارايه ایلشدر .

۱۵۳۳ سنه سی اواسطنده خیرالدین اهلینک شوق و مسرتلری ، آلفیشلری آرمه سنده استانبوله داخل اولهرق غلطه اوکنده لنگر انداز اولدی . غنایم موفقیتاندن لطیف و قیمتدار هدیهلری کندندن اول کوندردک تقدیم ایلیان قورصانی ، ذات همایون پادشاهی التفاتکارانه قبول ایلدی ، فقط براز صگره کندینک کبار زاده اولمادیغنی بیان ایله خوش گورمیان بر بیوک کتله مخالفه نڭ مخالفت شدیدنه تصادف ایلدی . مع مایه ابراهیم باشانک همت و غیرتی سایه سنده عاقبت بالجله مخالفتله ، انترقهله غلبه چالندی . خیرالدین کندی پلانلری ذات شاهانه یه عرض ایدردک مظهر مساعدده و قبول اولدی . شرفصادر اولان بر اراده سنیه موجبیه بر موقع بحری وجوده کتیریلرک آطه لر ، لیمانلر ، ساحل شهرلری کافه سابق قورصانک قوماندن سی آلتیه ویرلدی . و بردونمانک انشاسی و تجهیزی ایچون ایسته دیکی اشخاصی انتخاب ایتمک صلاحیتی دخی کندیسنه ویرلدی و بونلرک اڭ مهمی اولمق اوزره خزینه خاصه شاهانه وسائط نقدیه مقتضیه یی آنک امرینه آماده ایلدی ۱ .

( مابعدی وار )

۱ [ سلطان سلیمان ثانی نڭ زماننده عثمانی خزیننه سی فوق العاده بر فیض و برکت حالنده ایدی . و یالگنز ذات همایون شاهانه نڭ خزینه خاصه سنه وسطی اولهرق سنوی ایک میلیون دوقات ، یعنی شمدیکی باره مایله تقریباً ( ۸۰ ) میلیون مارق داخل اولیور ایدی . شوان